

13 bayi tahun baharu 2024 di Pahang

- Oleh NORHAFIZAN ZULKIFLI
- 1 Januari 2024, 1:20 pm



SERAMAI 13 bayi tahun baharu 2024 dilahirkan di negeri ini bermula pukul 12 tengah malam tadi sehingga 9 pagi hari ini.

KUANTAN: Seramai 13 bayi tahun baharu 2024 dilahirkan di hospital seluruh negeri ini bermula pukul 12 tengah malam sehingga 9 pagi ini.

Pengarah Kesihatan negeri, Datuk Dr. Nor Azimi Yunus berkata, daripada jumlah tersebut, lima bayi perempuan dan lapan bayi lelaki.

Katanya, bayi pertama dilahirkan pukul 12.42 pagi di Hospital Raub.

“Bayi tersebut merupakan bayi perempuan seberat 3.25 kilogram melalui kaedah bersalin secara normal,” katanya di sini hari ini.

Kata Nor Azimi, sembilan bayi dilahirkan secara normal dan empat melalui kaedah pembedahan.

“Daripada 13 bayi tahun baharu ini, lapan merupakan bayi berbangsa Melayu, dua warganegara asing, dan seorang anak Orang Asli. Kesemua bayi ini kini dilaporkan berada dalam keadaan stabil,” katanya.

Tambahnya, Hospital Sultan Haji Ahmad Shah (HoSHAS) Temerloh mencatatkan kelahiran tertinggi iaitu seramai lima bayi diikuti Hospital Tengku Ampuan Afzan (HTAA), Kuantan, empat kelahiran.

“Hospital Kuala Lipis merekodkan tiga kelahiran manakala Hospital Raub satu kelahiran sehingga pagi ini. Tahniah kepada ibu dan bapa yang menyambut kelahiran anak mereka pada hari tahun baharu ini,” ujarnya. – UTUSAN